

## Robežios

Šioupos tau skërta robežiaus stuoviek tîkë –  
Tik toukart bûsi saugos kap mažos lelioks,  
Prëglausts pri šëltuos krûtënës mamas,  
Ër nieks ëš pasalû nesëkiesins ožveržtë  
Šëkšnuos këlpa ont tava nekalta tëva kakla...

Ë nedrîsk dūsautë kap veršielis pjaunams,  
Je žiuovulîs jims laužîtë žondëkaulius  
Ë seiladrîkiaus nebvaliuosi sostabîtë...  
Juk pëlka rutina tau smarkë praëlgën omžio,  
Atëtuolindama keliuonë i ruojaus pëivas.

Bet jegu ožsëmëslîsi këštë smaila nuosi tën,  
Kor nieks neleid lîstë be atsëkra leidëma,-  
Papulsi skaudë duorësëms pëkčems i nagus...  
Sumîniuos anëi tavi, sutrîps i porva kuošë  
Ër nokrîžious pagriuovie pri platë vëiškelë.

Kap kuoki nokelnieta biasvaiki tavi ruodîs  
Niekam tëkosë, begiedëška pavîzde vëituo  
Vësëms neklaužaduoms ë griešninkams...  
Vuo to veiziesîs atgal ož paržëngta robežiaus  
Ë speliuosi, ož kou tavës nieks nebnuor mîlietë.